

## **Plenchi**

### **Bèl a bati**

**Rinngggg ringgg a ta bèl ta bati pa yamabu bin subi plenchi. E dianan aki kosnan a slow un poko. Mayoria turs ta tras di lomba, awor ta di warda raport. Poko poko e resultadonan ta dreña i tur hóben ta kontando e puntonan pa wak si nan a logra nan meta. Dosentenan ta hasiendo último trabou pa saka rapòrtan.**

**Un bes aki plenchinan lo ta bandoná paso falta 3 dia so mas di skol. Si, paso e karta a dreña pa ofisialisá dia 3 di yuli komo dia liber pa skolnan. Spera boso a logra boso meta hóbenan. Dosentenan danki pa e bon trabou. Direktornan danki pa guia nos skolnan durante e aña eskolar.**

**E aña aki nos ta tuma despedida di algun direktor:**

**Sr. Humphrey Cijntje di st. Jozef VSBO**

**Sr. Perry Boyd di Regina Pacis VSBO**

**Sra. Mariela van de Biest de Stella Maris VSBO**

**Sra. Jennifer (Jenny) Libier di Eligia Martir.**

**Sra. Meredith Kook-Martis (adj) na Kolegio Chaya Willems**

**Sra. Muriel Lindscheer di J.F. Kennedyschool**

**Sra. Suzette Capriles di Mgr. Niewindt College**

**Danki na nan pa nan añanan di servisio na bienestar di nos hubentut, pero muy en esepial na enseñansa katóliko. Señor kuida i protehá nan i nan famia.**

### **Den agènda**

- **Último dia di skol pa studiante i alumnonan ta 1 yuli 2015**  
**Startconferentie pa tur personal di RK dia 3 di ougustus 2015**
- **Promé dia di skol pa studiante i alumnonan 6 di ougustus 2015**

## **Not'é riba bòrchi**

**Kolegio Annie Koenraad ta bai kampeer pa sera aña eskolar.**



### **Hóbennan di Kolegio Annie Koenraad klá pa bai kampamentu.**

Depues di un temporada di siña duru, grupo 8 di Kolegio Annie Koenraad a bai kampamentu.

Esaki den kuadro di selebrashon ku nan a kaba Enseñansa di Fundeshi ku éksito.

Nan lo bai tin un bon tempu huntu ku nan dosentenan i alabes lo bai tin dia di reflekshon, charlanan informativo.

Esaki pa nan por sosialisá den un ambiente diferente.

Riba último dia di e kampamentu, kada alumno lo risibí nan sertifikado den presensia di nan mayornan. E dia aki ta kompletamente den man di e alumnonan di grupo 8 mes.

Kolegio Annie Koenraad tin motibu pa selebrá.

## Riba rapòrt

Fr. Evoniusschool su hóbennan por.

“Bo sa ku positivo ta na moda?” Tabata entre otro e palabranan di estímulo di nos invitado prinsipal “Spanks Banks” na okashon di nos dia “nos por”. . Otro invitado tabata e hóben futbolista “Payo Angela” ku tambe a kompartí su eksperenshanan ku nos. Nos proyekto a tuma lugá den kuadro di nos lèsnan di kushiná. Riba e dia aki nos a prepará un sukulento menú i nos mes a organisá aktividat i weganan pa tur alumno di skol. Nan tur a bin den nos klas pa asina mira kiko ta tur loke nos a logra. E proyekto a wòrdu guiá dor di nos dosente di kushina Mr. Saeed Lourens i nos mènor Mr. Gershwin Polonius. Nos punto final pa e proyekto aki a resulta di ta un **9** ! I nos ta hopi orguyoso di esaki.

### **Pero ken nos ta?**

Nos ta e asina yamá “Moeilijk Lerende Kinderen” MLK. Nos ta mucha i Hóbennan ku pa un motibu òf otro mester di ekstra atenshon den nos enseñansa. Segun hopi, nos ta muchanan malamucha ku menos chèns riba un futuro briante. Nos por sigurá boso ku e pensamentu ei ta robes. Awel pesei mes nos ta sumamente orguyoso di nos prestashon i logro durante di nos proyekto. Paso di bèrdat nos a mustra ku nos **POR**! Un danki spesial nos kier a yama promé na nos bon Dios, na nos skol (tur dosente, alumno i nos direktora yùfrou Solange Kleinmoedig), e bario di Koraalspecht i nos mayornan. Mas ku klaro un danki na nos mes di grupo Perseveransha (grupo 8) ku huntu nos a logra plania e proyekto, traha duru pa logré i hasi esaki bira un realidat. Nos logro di mas grandi ta ku nos a demostrá ku nos **POR** sobresalí den positivismo tambe!





**Fr. Evoniusschool**

## **Mi ta konta**

### **Tin hende i... tin hende**

Frangele a duna su yu, Xanee 3 pòpchi. Pero tur 3 pòpchi tabata meskos na sais, koló, material i forma. Xanee a keda opservá tur 3 pòpchi basta largu pa despues di un ratu e ripará ku un di nan tabatin den tur orea un buraku. Number 2 tabatin un buraku den boka i un den orea. Number 3 tabatin buraku den un orea so. Huntu ku e pòpchi a bin un bòter ku lechi. Xanee a hinka e bòter di lechi den pòpchi number 1 su orea. Esta e popchi ku tabatin buraku den kada orea. E lechi a drenta di esun orea, kore sali di e otro. Despues di un bon ratu el a bai pa pòpchi 2. Ni maske kiko el a hasi e no por a hinka e bòter den boka di e pòpchi. El a hinka e bòter den e orea. E lechi a drenta i sali di boka di e pòpchi. A toka turno pa pòpchi number 3. E tabatin un buraku so den un orea. Ora el a hinka e bòter, e lechi no a sali niun kaminda. Xanee a kore bai serka su mama Frangele, pa splike kiko el a deskubrí

Frangele a duna su yu muhe un splikashon profundo di loke el a eksperenshá.

“E promé pòpchi ta meskos ku hopi hende ku lo bo topa. Nan ta laga bu kere ku nan ta tendebu i ku nan tin kariño pa bo. Pero nan ta kaba di tendebo i tur loke ba konfia nan ta sali for di e otro orea. Bo no por konta riba nan pa yudabu ku niun prekusashon òf problema.

Pòpchi number 2 ta otro tipo di hende ku lo bo topa. Nan ta hasi komo nan ta interesá, pa djis despues nan konta otro tur loke bo a bisa nan. Di orea e ta basha sali for di nan boka. Nan por usa tur loke bo a konta nan kontra di bo i usa bo informashon pa nan mes interes.

Pòpchi number 3 ta hendenan ku bo por konfia. Riba nan bo por konta pa tende i warda bo problemanan pa nan mes. Nan lo ta kla pa yudabu or abo mester. “

## **Un prechi**

**Sra. Jenny Libier ta baha ku un penshon bon meresí despues di traha 43 aña ku hopi amor pa skolnan kátoliko. E tabatin e honor di risibí e promé poster ku tur e streanan di RK riba dje. Un rekuerdo bunita p'è.**





**2 di e 4 bestgeslaagden di Eligia Martir.**

## **Mucha djispou**

**Maria ku Carla ta pará ta mira kon bientu fuerte a hai disaster den na barrio.**

**Maria ta bisa: “Mi dak a keda tur destruí. Kon ta ku esun di bo Carla?”**

**Carla ta kontestá: “Mi no sa paso ainda mi no por hañe niun kaminda.”**